



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : BUDDHIST YIP KEI NAM MEMORIAL COLLEGE

**學校名稱** : 佛教葉紀南紀念中學

**Name of Play 劇名** : 未圓

**Script writer 劇作者** : 鄭鞍翹 羅慧欣 (學生)

**Synopsis 故事大綱：**

月缺月圓，世間變遷幾回。

常說月在異鄉份外圓，

不知你看到的，與我所看到的，

是否一樣呢？

葉隨水流，人隨事變；

他朝有緣再遇，

我倆還會一樣談笑風生，

還是微笑點一點頭，

讓往事如煙？

月若未圓，豈不甚美？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

(A、朋友們陸續進入 zoom 會議)

A: hi~ 好耐冇見啦~食咗飯未呢?

D: 喂，你望下個鐘，夜晚十一點啦，食毛呀。

B: 你條友仔都係仲咁九唔搭八啲，食左藥未呀。

C: 無啦啦叫我哋 **Discord** 做咩啊? 係咪你同阿邊個...

A: 你係咪想我成支咪塞入你個口?

C: **OKOK!** 唔講。

B: 阿姐，你咁凶狠，有咩要用到我地先。

A: 仲有咩呀~

B: 咩呀~?

A: 咩咩呀?! 你哋唔係唔記得呀嘛?

C: 有嘢講就快! 我好忙㗎。唉~聽朝又要補課啦。個物理阿 **sir** 真係食左藥咁。

D: 喂，我開左啦，你地快啲 **online** 啦。

A: 係呀! 終於有人記得啦! 我地約左考完試要大戰三百個回合架嘛。

D: 得啦~得啦~而家咪開場打囉

C: 喂呀，上次我唔夠訓上鄭 **sir** 堂訓著左比佢當住全班鬧呀。

鄭 **sir** 真係心理變態... 妖，打就打啦，最多咪死，開 **game** 開 **game!**

A: 你理得佢啫! 你好似我咁，貼張相係部機前面咪得囉!

D: 仲講，入場啦，我開左場啦。

B: 戴翻隻耳機先，等等。

(演員都帶上耳機，認真地鏡頭)

(背景傳來遊戲的聲音，約十秒後)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- C: 喂！打佢啦！你係咪嚟搞笑？
- A: 幫緊你，幫緊你。
- D: 喂！你睇住我行血呀！
- B: 睇住！
- D: 喂！「啱」你，我無血你唔補！
- B: 你叫我睇住之嘛！又有叫我幫你補！
- D: 遲下翻學你睇下我打唔打到你無血。
- A: 佢有阿邊個邊個幫佢補血呀嘛！咀佢一啖即刻滿血！
- C: 你睇住對面出惡魔之吻呀！
- A: 哎呀！死啦。
- B: 喂，惡吻咁慢你都避唔到！
- A: 你地引我講野嘛。
- C: 對面咁廢唔係打唔贏呀??
- D: 唔會啦，有 翹姐欣姐 兩個打廿個，聯賽上頭十無困難。
- B: 行啦行啦！下路下路。
- A: 上邊引緊佢地，比 25 秒我。
- C: 仲有 6 秒 CD，下一波我打。
- D: 傳緊黎傳緊黎，我壓完中路。
- B: 我大技回左，我數 5 秒大家一齊
- B: 5, 4
- A: (疊聲) 我落左草叢啦！
- B: 3, 2, 1

(信號受干擾的聲音發出，配合恐怖的音樂出)

(眾人畫面有開有門)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

C： 我... 地...

A： 搞咩呀？咁 lag 嘅。

D： 救... 救... 下路...

A： 喂，做咩唔郁呀？

B： 無... 無問... 題...

A： 而家先嚟斷線？！？

(A 慌亂打比賽)

A： 嘖！輸咗啦～我啲分呀～你哋同我負責呀！！

(聊天室內沒有一點聲音)

A： 翹姐！咪玩啦！我見到你仲在線㗎

A： 肥仔！你都係呀，而家都未到 12.半～

A： Lily！Lily！唔係講兩句就唔出聲呀嘛？

(B 鏡頭再開，燈已關上，背景換上恐怖場景，B 的面上出現了一條血痕)

A： 你... 你做乜野呀。

B： 我... 我地中左電腦... 電腦病毒...

A： 你唔好玩啦，好恐怖呀。

B： 病毒侵入左我地嘅神經... 我地... 已經控制唔到自己...

A： 你人黎架，中乜野電腦病毒呀...

B： 我地... 其實... 只係電腦入面嘅人工智能...

(B 鏡頭關上)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

A： 喂呀！你唔好玩啦，又話一齊沖香港第一... 返黎呀！

(A 將水樽在鏡頭前搖擺)

(A 鏡頭關上)

M(VO)： 喂～你有有搞錯呀，打打下機就咁就瞓咗喺張枱度。

M(VO)： 凍親又要我比錢你去睇醫生。

(A 打開鏡頭)

A： 原來我發惡夢，瞓到成身都痛埋。

(傳來母親的聲音)

M(VO)： A～瞓醒未呀～？過一過嚟啦～

A： 哦

(A 把鏡頭關掉)